

NAPAK MANCOSAK

Kiskénitamowina

AWINA ANA NAPAK MANICÓS?

Ayápisísiwak ókik napak mancosak éko osáwinásowak tápiskóc ayiw misti minis kistikánis étikitit éko miko oci otáciho. Ká iskwá mícisocik, mitoni misti nitáhikiwak éko mitoni émikonákosicik. Mwác otatakwniawak ókik napak mancosak móna kaskitáwak ta piminácik wéka ta papá ká kwaskwépanihocik. Ékota wésám piko kéki miskácik ita ininiwak ká nipácik.

TÁNISI KÉKÍ ISI MACI ÁKOSÍSKA- WICIK ÓKIK NAPAK MANCOSAK

Nanátok yá itiskákowak ókik napak mancósá ká takwamikocik átit móna nántaw itiskákowak, éko átit pápiko mikwastépaniawak. Ká pistiskat awa napak mancós mékwác épimisanan kákitwán ita péyakwanok kika takwamik éko ta nókon anima. Mwác kika mósitán ispík mákwamiski ana napak mancós máka kika kinakastán kítwám ati kiskákí. Cicikiyani ita káki mákwamis ana napak mancós kika ati miníwin. Miscét ininiwak pipikwénitamihik óki ká miskawát napak mancósá.

TÁNISI ÉSI NITÁHIKIT ANA NAPAK MANCÓS?

Nistóyik ati isinákosiw ana napak mancós nistom wáwi, éko ká máci mácit ékota oci ká ati micisot éko tati wáwit. Piko isi pasakopaninwa anih napak manósi wáwa éko ati páskipaninwa nántaw níkotwási kiskáwa isko mitáhtat tépakop kiskáwa. Sémák máci micisowak ispík ká páskáwécik. Péyak askíniw kikaki isko pimátisiwak ókik napak mancósak óma ité ké ayácik wina éká tátékác takí mícisocik éká awiyaka miskawátwáki ta isi akwatamocik.

TÁNISI ÉSI PIMÁCIHOCIK ÓKIK NAPAK MANCÓSÁK?

Ininiwi miko minikwéwak ókik napak mancósak éko ékota oci wáwiwak. Anikik oski mancósak natawénitamwak anima miko ita ta oci nitáhikocik. Ókik napak mancósak pápakán tasikwamak ta kisi mícisocik anima inikok asáy ká yá itikiticik. Ká iskwá mícisocik ókik napak mancósak éko néyáp sékówak ité ké kásocik ininiwak ká pimisikik.

TÁNTÉ WÉCIPANICIK ÓKIK NAPAK MANCÓSÁK OTA NÍKIK KÁ AYÁCÍK?

Kisáspin ká ayáwacik anikik napak mancósak kikik móna wina anima éká é kaskitáyan ta pé kapiyan wéka ta pékiyowan. Piko ité isi taki átotayáwak ókik napak mancósak óma ká atotacikátéki apiwina, nipéwina éká ikiskikana. Wésám máka piko anta ká oci takotahicik ókik macósak, aspísimona, ápacitáwina wéka apók masinahikanok wéka ita cakástésimona ka otakotéki.



KÁ ITIKITIT
(ÉKÁ CÉSKO
KÁ KISPOT)

TÁNISI KÉKÍ ISI KISKÉNITAMÁN ÓKIK NAPAK MANCÓSÁK NÍKIK ÉTAKOCÍK?

Tánisi ké isi kiskénitamán napak mancósak é ayáwacik kikik:

- Kétatawén é pápiko mikwastépaniyan
- Nawaciko ékaskitéwinákoki kékwána énokoki kitakopik, ki taspisimonik wéka anta nipéwinátikok.
- Opáskáwáwa énokoki ita káki isi nakatakik.
- Ká pimátisicik wéka asáy éki nipocik anih napak mancósak. Kisáspin miscétiwak anih napak mancósak, ta minákosiwak wawaciko ta síwimákosicik.

TÁNISI KÉKI ITÓTAMÓN ÉKÁ TA TAKOTAHICIK ÓKIK NAPAK MANÓSAK ÓTA NÍKIK?

Ayiw máwaci ta isi minwásin éká ta takocik anta kikik napak mancósak éka ta pésiwacik nántaw isi.

- Oci asawápamik éká ta itácik anih napak mancósak wéka owáwimiwáwa anta anih kitápacitáwina ka takotatáyan kikik.
- Oma ka pimakamikisiyan, kawisk itápi ita ká kapésiyan, wáwís anta aspísimonik éko anih kakinaw nipéwinátikwa. Natonawik ita ké ayácik, ké tasécik wéka nántaw ta tasi kaskitéwamocik ki takopik wéka ki kikiskikanik.
- Nantaw ité wakitastá anih ki kikiskikana pakánita ité oci anima nipéwin ká asték apók anta píci ká tasi kisipé pakásimoyan wéka asowatá píci wépinikéwi míwatik.

ISPÍK KITWÁM TAKOSINANI KÍKIK, KAWISK PÉKITA KITAYÁNA ÉKO WÉPINA ANIHI ÉKÁ AWASIMÉ KÁ NATAWÉNITAMAN KI TAYÁNA:

- Kawisk pékita anih kitayána, éko wépinikéhiwatik asowata éko asta ité ta pé mósakinikátéki ta wépinikátéki.
- Kakinaw kawisk ékisowákamik nipiy kisipékina kitayána éko mitoni kawisk kinowés pása.
- Kakinaw anih kitayána pítaya anta anima ká kitástapi pásikaniwaki ápacicikana. Nómakés ká máwaci kisikiki pásikaniwaki anih kitayána kikakí méscinatáwak anih piko itowa napak mancósak.
- Kikakí ákwatimáwak wina mina anih napak mancósak máka móna nántaw itiskákowak ékwéniw owáwimiwáwa.



NAPAK MANCOSA

Kiskénitamowina

TÁNISI KÉKÍ ISI MÉSCINATAKIK ÓKÓK NAPAK MANCÓSAK?

Náspic ánimisiwak ókik napak máncósak ta méscinaticik. Kisáspin kititénitén napak máncósak étakocik kíkik, kikamotá akokwácikan anta miskátik anta nipéwinátikok wéká anta moscitak anima nipéwin ká asték:

- Anima otacikákan ka ápatak ká pékicikáték wanáskán ápacitá ta pékicikéyan misiwé ité wéka ká pékicikákéyan misiwé ité anta kíkik.
- Kitápacicikana éko kitakopa nómakés pítaya kawisk ta kisité pasikéyan. Éko ati kipwapita mewátik anihí kitayána éko kitakopa inikok ta kisítáyan anima ká itótaman.
- Akopa itowá ká apatakí ta nipahicik ókik napak máncósak ápacita.
- Sisopácikana éko maci maskikiya ká nipahikocik ókik napak máncósak atáwé piko ité anta kíkik ta ápacitáyan. Kawisk ayamitá kékwána okik éko anima ká itastéki ta itápatakí éko ité ta astáyan ékosi mwéci kika itótén. Móna tátékác kitwám mwéstas ta ápacitáyan.
- Ana ékosi ká itatoskét ká nipayát napak máncósa natonaw tapé wícihisk tánisi kéki itótaman. Wésám piko ékwaniw óki ká ápatakí óma ta nócihik napak Mancósak. Ana ininiw ékosi ká itatoskét kikakí wícihik tániwé aniki éko tánisi kéki itápacitáyan anihí maci maskikiya ká nipahikocik anikik napak máncósak.

AWINA KINAWÁPAMIKOT ÓMA ÉKÁ TA ITÁCIK ÓKIK NAPAK MANCÓSAK?

Kisáspin kína anima kíkí, kína ékwánima kikinawápakimok. Kisáspin kímoci awiyáson anima ité ká ayáyan, awina ana ké tipénitak anima wáskáhikan ékwaniw wína kinawápakimok. Máka piko ta nisókamék óma ta nipahicik ókik napak máncósak. Ana ká tipénitak anima wáskáhikan ta natoméw anihí ininiw óma ká nóciyát anihí napak máncósa tánispik óma kéki paminiakáték anta ka ayáyan. Éko mina mitoni piko ta itóciakáték anima ká itwániwak óma ta nipahicik ókik napak máncósak anima anta ká ayáyan. Piko ta pitokét anta kíkik awa ininiw ékosi anima ta itotak.

Kisáspin kinóté kiskénitán tánisi takí itótaman anima ita ká ayáyan inikok tá mino tasikak ana ininiw ká nóciyát anihí napak máncósa anta Government of Manitoba ká nókopaninik otisicikéwina kikakí itápin.

KOTAKA ITÉ TA MISKAMAN KÉKWÁNA:

WINNIPEG REGIONAL HEALTH AUTHORITY
www.wrha.mb.ca/healthinfo/a-z/files/BedBugs.pdf

CITY OF WINNIPEG:
www.winnipeg.ca/publicworks/bugline/insect_information/bedbugs.stm

MANITOBA GOVERNMENT:
www.manitoba.ca/bedbugs